

EQVITIS POL



7 E 30

Prophetia S. Hildegardis Broscii T. xv.
Fol. 455.

Salvatores nominantur. ab Equite fol. 4.

1626
Ioannis Broscii Curzelomensis
Medicini Doctoris ordinarii
Astrologi. post mortem ipsius
Bibliotheca maioris Collegii in
Academia Cracoviensi. rogat
autem ut omnia quae hic inser-
ta sunt, integre ad posteritatem
conseruentur alioquin unitatem hanc

Destruenti anathema
Conseruanti benedictio.

intellectus
iudicat
veritatem

IX. 10. 1.

Contactus.

ad punctum

Vulgaris hic oculus caligabit diffidens plurimum.
Procul este prophanus.

inter 9 et 10 reperitur Proca Dawidowa Zahyrenii Calisy impri-
 sa ubi locy non exprimitur, scriptum matheum ab ipis legibus confectum
 sub nomine Zahyrenii 150 conferente evangelizans. omni animi quod in 110

continentur ego audius ex ore Frederici sedentis
 legitur. quidam enim et alii. Zahyrenii vero pinguis
 Anonimus studuit utque Bursum consuetudinis nulli modo
 Contorta in hoc volumine scire poterit alio, quam
 ex relatione ipsorum
 hay. D. iam
 offeram ad or
 namentum.

- 1 Equitibus Poloni actio in Iesuitas prima
- 2 Spongia contra Equitum Russi
- 3 Actio Arnaldi in Parlamento Parisiensi
- 4 Pappaverati. de rudiculis
- 5 Actio Pauli quinta pro Republica Veneta Oratio
- 6 Grana deliberatio de compensando emendo coram legibus
- 7 Opponit na hdyshat ppaucis legibus ^{Lucia} ^{Murga}
- 8 Responsio ad representationem legum
- 9 De Ignatio Corneo Zahyrenii Calisyensis
- 10 ^{Proca Dawidowa Zahyrenii} Objatawani ppaucis legibus ^{Lucia} ^{Murga}
- 11 Tarcza obrony ppaucis procy
- 12 Vindicta adversus Zahyrenii
- 13 Computatio concilii Zahyrenii
- 14 Eiusdem Bonahe stylo divissimo
- 15 Gratia ppaucis, Consens.
- 16 Epistola eucypata ad quendam
- 17 Ad senatos Regni Polonici scripta S. L. L. L.
- 18 Wiosle statyrenii byonster. Xaverius obray.
 Destruentia unaldama
 Confessionis benedictio.

Ivan. Manana Hispania Imperator sicut in
Antiquis temporibus qui ex Monachis Episcopos ac summos
Pontifices exhiberent numerare vix licet, restat etiam
vires aut alterum eorum non tam esse integrum
quam multis antibus ambrosios ecclesias esse profectus
confidendum. Vnde hinc aliud caput.

pedagog

30. 1-19

raris

Cism. 5. 2. 2 - 5. 6. 10



Pedagog. pol. 202-220.

XIX. d. 24.

I.C. 88.

Friday 202.

EQVITIS POLONI,
IN IESVITAS
ACTIO PRIMA.



ANNO M. D. XC.

ORATIO CONTRA Iesuitas Prima,



Ideo, Senatores Amplissimi, & vos reliqui quò
adestis; generis nobilitate, & virtutum orna-
mentis clarissimi viri: omnium vestram ora, atq;
oculos in me unum conversos esse. Et tamen
hunc locum, ad dicendum existimem esse orna-
tissimum & frequens conspectus vester me
ad dicendum excitet: tamen hac tanta corona doctissimorum ho-
minum, terret oculos. Existimo enim multos esse, qui mirentur:
quid sit, quòd istis disertissimis, & gratiosissimis hominibus, hoc
tempore sedentibus, ego potissimum surrexerim: cuius neq; aetas
ea est, neq; ingenium, neq; auctoritas: ut possit cum eorum qui
sedent gravitate, doctrina, & rerum gestarum gloria comparari.
Sed me recreat vestra sapientia Senatores Amplissimi: quò
efficit, ut perspiciatis, omnibus his, quos adesse videtis, charissimam
patriam esse: illos tamen, propter iniquitatem temporum, hanc
causam multis odiosam non audere defendere. Neq; verò ego
mibi tantum tribuo, ut alijs laudem fortitudinis atque officij pra-
ripere cupiam: sed in ista mea aetate aliquid mihi praesidij constitu-
tum esse, contra calumniam iniquorum hominum confido. Nam
si isti viri, auctoritate & prudentia summa praediti ea dicerent, quae
hoc tempore dicenda sunt: quòd certè facere debet is, qui ad istam
causam accedit: facta esset illorum oratio multorum variis voces,
ad invidiam, & odium, excitaret. Cùm ea sit istorum ho-
minum prudentia: tantus splendor generis, ut nulla vox ab illis
profecta, obscura esse possit. Ego verò, si quid dixerò liberius: id
facilius inter istos parietes contineri fortasse potest: quia in hac Se-
natoriae dignitatis luce non sum constitutus. Erunt etiam, ut opi-

2

mor nonnulli: qui veniam adolescentie meae dandam esse existima-
bunt: si quia liberius dixerero, & facilius etiam patientur, si aliquid
attulero: quod nondum sit perfectum ingenio: & elaboratum in-
dustria. Accedit illa quoque causa: quod ista dicendi necessi-
tas, non solum a Patria nostra: quae omnibus nobis debet esse
charissima. sed etiam ab illis viris mihi est imposta: quorum singu-
larem in me amorem: plurima & maxima beneficia ego agnosco:
& quorum dignitatem summam vos perspicitis, horum in me volun-
tatem & benevolentiam plurimi semper feci: & quantum autori-
tati illorum tribuam, nunc testari cupio hoc officij genere: ut: quae
sentio, liberius de Republica dicam. Et sane nulla propemodum est
natio, Senatores Amplissimi: quae non plurimum se patriae suae debere
agnoscat. Nostra autem Respublica, a maioribus nostris ea iura in-
venta atq; instituta habet, ea libertate, dignitate, splendore ordinem
nobilitatem ornavit: ut illius commoda vita nostra nobis debeant esse
chariora. Nunc verò eiusmodi tempus est, Senatores, ut Reipub. digni-
tas, omnium nostrum salus, vita, libertas, dei religio, bona fortuna, do-
milia: vestra sapientia, fidei, potestati sint tradita. Vos hodie con-
stituere debetis: utrum homines perniciosos, quasi in visceribus Rei-
publicae ad interitum patriae vestrae conservare velitis: & an etiam
totam Rempublicam in extremum periculum atq; discrimen adducere
cupiatis. Magna sunt ista quae dicere aggredior. Senatores Ampissi-
mi: in me verò non agnosco eam facultatem, ut de rebus tam atrocibus:
satis commode dicere, & graviter conqueri, & libere vociferari pos-
sim. Perturbat me ingenij mei imbecillitas, gravitati, etiam: libertati,
tempus ipsum est impedimento. Sublata enim iam est, ut videtur, quo-
rundam hominum potentia & iniquitate atq; crudelitate, non solum di-
cendi facultas, sed etiam sentiendi libertas: quam facultatem dul-
cissima patria nostra nobis tradiderat, ea iam erepta est ab istis ho-
minibus: qui nunquam considerant quid facere debeant, sed quan-
tum possint suis artibus & viribus ex naufragijs patriae comparatis.
Hos ego cum afficio non ignoro quae pericula subeam: timore etiam

& pudore, quem mihi natura attribuit, non parùm commoveor: vestra enim dignitas me magnopere perturbat: metuo enim ne non satis commodam orationem ad res tantas adferre possim: & ne molestiam aliquam eruditissimis vestris auribus assergam. Quamobrem vos rogo atq; obsecro, ut attentè, bonaq; cum venia me dicentem audiat is. humanitate enim vestra fretus: & amore patriæ impulsus, plus oneris sustulisti, quàm ferre me posse intelligo. Hoc ut vos aliqua ex parte allevetis, vos pro ea, quam vobis debeo observantia rogo.

Neminè esse vestrū existimo, Senatores Ampliſſi. qui ignoret, quibus in periculis per multos iam annos versati simus: quanta enim vis allata sit, ad oppugnandam & evertendam libertatem nostrā, ab hominibus perditis. & quàm valde iam illa debilitata sit, res ipsa loquitur. Vidistis enim, ut opinor: quàm nova comitorum forma apud varſaviam fuerit: non enim veterem consuetudinem comitorum: & pristinum electionis morem: à maioribus inventum atq; institutum cernebatis: sed exercitus numerosos, & collectos ex barbaris militibus: & omni genere armorum instructos: quorum duces minabantur nobis rapinas, caedes, incendia: quantam vim, quantos armorum strepitus, quos clamores, quas contumelias, quas minas, quæ pericula optimus quisq; sustinuerit: quantum lacrimarum patriæ præstuerit: potuistis animadvertere. Quæ verò consecuta sunt postea, horret animus commemorare: ne summus dolor vester ex patriæ vulneribus conceptus recrudescat. Sunt enim depopulati agri, sunt multi nobiles crudelissimè domo sua nudi eieci, ex adibus suis patrijs præcipites exturbati, multæ virgines è complexu parentum abreptæ. Assicciabant miseri & luctu perdit homines: sceleratissimos milites, suæ pecuniæ fieri dominos: multa palam auferri, multa largè & effasè alijs donari: alia incendio confumi. Quem verò ad fletum & gemitum non commoveret. CRACOVIAE urbis primariæ miserissima conditio: quæ obsidione oppressa: cade atq; incendiis vastata: horrida, & squalida, tristissimum nobis omnibus exhibet spectaculum.

3

lum. In his malorum procellis & fluctibus & tempestatibus, iam videor mihi portum aspicere, Senatores Amplissimi. Quod enim precatus sum, sepe & multum à Deo immortalis: porrectis in cælum manibus & facie lacrymis redundante, ut patriam nostram aliquando clementer in his fluctibus aspiceret: id iam aliquo modo fieri existimo. Video enim, Senatores Amplissimi, vestrum ordinem ad pristinae auctoritatis spem reviviscere: adiunctam esse vobis nobilitatem: constare Lithuaniam: paratos esse equites, ad vim externorum hostium depellendam, expeditos centuriones: instructas iam propemodum cohortes. Sed vos moneo Senatores Amplissimi: quanquam non egetis consilio, quo valetis plurimum: tamen quod in magnis tempestatibus fieri solet: ut summi gubernatores a vectoribus admoneantur, id vos quoque in bonam partem accipietis: si meam vocem in istis vestris deliberationibus adhibeam. Videte etiam atque etiam, ne dum capiti mederi vultis, reduriam curetis: quae enim erit ista pax: si tantum modo externorum hostium impetus reprimatur: & domesticorum dissidiorum incendia inclusa lateant? quae iam non scintillas, sed tantas flammam emittant, ut in remotissimis regionibus conspici possint. Vestrum autem est Senatores quam longissime in posterum providere. Quamobrem enim in ista dignitate Senatoria tanquam custodia atque specula collocati estis? nonne propterea ut Respublica vestra sapientia vacuum metu reddatis? Nolo omnia Respublicae vulnera deiegere, multa enim à multis, de patria incommodis, copiose & ornate dicta sunt: summam ego hoc tempore mihi partem eam: quae etiam à plerisque leviter indicata: sed non satis explicata, proposita est. Ego qui Romanam Ecclesiam plurimum semper feci: & spirituales ordinem in eo loco semper habui in quo habere debet is, cuius multi affines, omne curriculum industrie suae in illo ordine posuerunt: illinc honores amplissimos: illinc magnas opes: illinc dignitatem (si quam habent) consecuti sunt. Ego, inquam, dico pro perpetua mea observantia in Respublicam, & pro mirifica cupiditate dignitatis vestrae retinenda & augenda. Vos autem omnes, qui hic adestis, quaeso, & oro ut primum si

erit vel acerbum & indignum auditu: vel incredibile: à me iure
accipietis sine offensione: neve id repudietis, priusquam cuiusmodi
sit explicata vero. Ego Romane Ecclesie propemodum alumnus: dico
hanc unam monachorum familiam: que à Iesu salvatore nomen ha-
bet, ad perniciem multarum Rerum publicarum esse institutam. Ma-
gna spe ingredior in reliquum orationis meae cursum: quia iam pe-
riculosissimum istum scopulum vobis tacentibus sum pratervehtus.
Quid igitur causa est? ut ita sentiam de istis hominibus, quorum
admirabilis pietas, singularis quaedam in omni disciplinarum genere
scientia, à multis commendatur: & qui primo loco, ordine, & autori-
tate digni sunt haberi? quasnam rationes adferam istius tanti cri-
minis? per arduum mihi erit demonstrare. Quo me igitur ver-
tam? aut quos testes producam? Sunt homines Ecclesiastici ordinis
honestissimi, atque ornatiss. tanta amicitia & tanta necessitudine
cum isto ordine Iesuitico coniuncti, ut etiamsi viri boni non essent:
plurimum momenti tamen habere deberet illorum oratio contra Ie-
suitas: ita autem boni catholici sunt, ut etiamsi inimicissimi essent Ie-
suitis: tamen illis credi oporteret. Quid igitur isti dicunt? Sunt
hac vobis nova & inopinata Senatores Amplissimi? nunc primum
ista crimina aures vestra accipiunt? Nonne soletis interesse concto-
ribus: in quibus affirmare solent constanter & graviter: ea voce
& motu corporis, ea gravitate & constantia viri doctissimi nostri
Theologi: Iesuitas eam pestem esse, que animadverti non possit an-
tequam totum Reipublica corpus inflammet: eorum mores, gestus,
habitum, oculorum conformationem, oris & vultus moderationem,
ad res à maioribus nostris bene inventas atque institutas, ad illas in-
quam, res omnes, per manus nobis traditas, debilitandas, atq; ever-
tendas hunc monachorum ordinem, comparatum esse. No-
vum istud est Senatores? non his vocibus, non his exclamationi-
bus resonuit primarium templum Lublinense? non summum et-
iam templum Cracoviense plenum atque refertum: his Iesuita-
rum ornamentis atque testimonijs: ad perpetuam & loci, &
temporis, & hominis memoriam? Non fuit hoc inquam, in istis
templis

4

templis decantatum? Testes sunt viri Senatorij: magna auctoritate,
 consilio, prudentia ornati; & ceteris ornamentis honoris, ingenij, in-
 dustria clarissimi: qui hoc affirmant. Quid dicam de illustri Epi-
 scopo Cracoviensi? quem honoris & amplitudinis causa nomino:
 cuius ea est aetas, prudentia, auctoritas, eruditio, humanitas, iudici-
 um, constantia, ingenij acumen: ut ad eius orationem iuramentum
 vestrum adhibere possitis. Quid igitur is dicit? affirmavit constan-
 ter & graviter: voce & vultu, ad rei indignitatem composito:
 istam novam non ante multos annos inventam monachorum famili-
 am; qua Iesu salvatoris nomine ornata est: ad Ecclesia Romana dog-
 mata evertenda comparatam esse: & ad excitanda seditio-
 num incendia: ad evertendos Reipub. nostrae bonos, & omnium comproba-
 tione institutos mores. Iohannes vero Zomoiscius Regni Cancellas-
 rius, & exercituum summus imperator: cuius prudentiam, rei
 militaris scientiam, virtutem, auctoritatem, felicitatem, fortitudi-
 nem, omnis semper mirabitur aetas: affirmavit verè & sapienter, ut
 omnia saepe dicere solet: istis sacerdotibus in templis, & suggestu
 locum aliquem concedendum esse: ut verè ex monasterijs &
 templis ad Reipub. negotia gerenda accedant: hoc nullo pacto ferri
 oportere. Quid ego nunc producam Doctorem Picum, civem Craco-
 viensem & virum Senatorium: quem verè Philosophum subtilissi-
 mum, & medicum exercitatisimum possumus appellare: in cuius vi-
 ta exstat imago antiquae virtutis: cuius oratio exemplum est copiosa
 loquentis sapientiae: is cerè ita de Iesuis indicat: ut saepe affirmet
 pessimè cum patria nostra actum esse: quae istos non iam dudum eie-
 cerit. Quid ego vobis nunc adferam voces singulorum hominum?
 quid producam in medium querimonias earum viduarum: quae non
 prius istorum salvatorum artes deprehendere potuerunt: antequam
 domos suas spoliatas animadvertent: omnibus vasibus argenteis, omni-
 bus ornamentis aureis, in quibus aliqua ars aut pretium ita singulare
 existeret: ut posset eorum cupiditatem incendere. O tempora, o mores,
 haec iam agitantur in foro iactantur in Palatijs: recitantur in
 omnibus

Salvatores
 Veda Nig-
 rum in
 Regulis

omnibus locis: clamantur in templis: in conspectu Trinitatis, ante imaginem Christi, omnium sanctarum atq. sanctorum, hæc declamantur: ad commouendos sanctos atq. sanctas, ista sæpe & multum, vehementer & graviter, copiose & ornate ab illis exponuntur, qui religionibus sanctorum atq. sanctarum præsumunt: & à vobis ista ignorantur? Verùm vtilissimi sunt propter Scholas: multos iam ludos literarios aperuerunt: magno motu fit concursus iuventutis: magna nobilium pars eaq. fere præcipua, ab illis erudiri suos filios cupit: propter magnam doctrinæ, fidei, gravitatis, constantiæ existimationem: & propter singularem quandam docendi rationem. Eodem accedit, ut nullis præmijs laborum propositis, magnos tamen labores suscipiant & sustineant. Heu me miserum: cur ego vos, quos semper laudavi, cogor reprehendere? Non videtis, non intelligitis Senatores? hæc omnia ad perturbandam quietem perimere? non animadvertitis plurimas Scholas, ab illis iam dissipatas esse? unam Scholam celeberrimam Cracoviensem: viris doctissimis in omni disciplinarum genere ornatissimam, iam solitudine fœdam atq. squalidam: nulla antiqua ornamenta retinere? Habuit Polonia ante istos Iesuiticos monachos: habuit viros eruditissimos, oratores vehementissimos, Philosophos acutissimos, Iureconsultos prudentissimos, Theologos omni dicendi gravitate, copia atq. ornatu instructissimos: habuit nostra patria scholas, ex quibus, tanquam ex equo Troiano, prodierunt plurimi doctissimi viri: una Academia Cracoviensis quatuor millia literatorum inveniri numerabat. Prodibant ex illa schola illi viri: quorum ingenium, prudentiam, auctoritatem ista adhuc miratur atas. Jam prope vigesimus annus est: ut Iesuitas istos in regno nostro videamus: qui ita scholas suas instituunt, ut omnem industrie, diligentie laudem alijs eripere cupiant: sæpe admodum ludos Comædiarum, Tragædiarum, omni splendore, copia & ornatu instructos, exhibent: in quibus ludis, summam laudem & utilitatem positam esse existimant: & hac prope modum una arte multos discipulos ad se pertrahunt: tamen neq. inter istos tam præclaros Magistros: neq. inter discipulos:

5

scipulos: videmus illos, qui possunt aliquo genere eruditionis cum illis antiquis nostrae Scholae magistris & doctoribus contendere. Habuimus illo seculo Lucam concionatorem: cuius ea dicendi vis fuit: ut quancumq; in partem voluisset, animas hominum flectere facile potuerit. Credo adhuc vos memoriam retinere illius concionatoris, quem Leopolitam nostri Poloni appellabant: erat ille homo ea morum elegantia: ea humanitate: ut semper auditorum suorum animis atq; auribus novam quandam voluptatem adferret: eo ingenii acumine, ea doctrina, ut semper orationis suae subtilitate, redderet doctiores suos auditores. Quanta & quam multa laudes debentur Hosio Cardinali, Cromero Varmienti Episcopo, Orichorio, Fricio. Hic me incendit quaedam cupiditas: ut de istis viris paulo copiosius differam. Sed metuo ne ex commemoratione illarum virtutum & eruditionis: recrudescant vestra vulnera, quae patria nostra ex morte istorum hominum accepit. Erant illi viri quaedam pulcherrima & clarissima Ecclesiae Romanae lumina: habetis ut opinor in animis vestris praclarum illud Fricii volumen de Repub: extant multi libri Hosii Cardinalis: Cromeri, Orichorii orationes adhuc in multorum manibus versantur: & nulla unquam futura est aetas, ut opinor, quae illorum memoriam obscuret: iam si Bembi, Sadoleti, Contareni, Reginaldi Poli, & reliquorum summorum hominum libros enumerare & laudare, ut equum est, possem: quorum eruditio & eloquentia proximè accessit ad illam antiquitatis laudem: dies me potius quam oratio deficeret. Quid horum simile habent Iesuitae? Prodeunt quoque quaedam illorum lucubrationes. Utinam illum laborem quem in scribendis illis libris susceperunt: in suas tragœdias, vel comœdias potius contulissent: ita enim illa sunt refutata ab Haereticis, ita profigata, ut luculentam quoq; plagam tota Ecclesia nostra Romana acceperit. Provocarunt Lublino superiore anno Antitrinitarios & Anabaptistas ad disputandum: canebant triumphum ante victoriam: in ea disputatione nihil præter redundantem quandam verborum volubilitatem, & tragicos clamores: quibus in clamoribus omnes Iesuitae

tica laudes posita sunt, praestiterunt: & tantummodo plebis, & anti-
cularum, & collusorum atq; suorum compransorum approbationem
consecuti sunt: & cum rationum vi, Antitrinitarios vincere debu-
erint: & eam victoriam, antequam certatum esset literarum monu-
mentis tradiderint: eum exitum ille triumphus ante victoriam, de-
cantatus habuit: ut Artani minis, corvitiis, terroribus, clamoribus
fuerint eiekti: & primarius quidam illorum hominum Niemoievi-
us etiam verbera senserit. Dolebamus Senatores Amplissimi Ecclē-
sia Romana dignitatem, ab istis hominibus ita deludi: ut multi ex
illo loco, Romanae Ecclesiae observantissimi, animo dubio & fluctuan-
te discesserint. Prodit libellus Possævini Itali: tanquam fax que-
dam ad excitandum incendium: illius auctoritatem si voluissetis
sequi, nonne iam domestico dissidio everfam Rempub. aspiceremus?
Quae ista est ratio Senatores: virum eruditissimum non suae erudi-
tionis arma & doctrina instrumēta ad vincendos suos adversarios
conferre? sed ad barbaricam crudelitatem & feritatem decurrere.
Mederi volunt patriae nostrae: honesta haec oratio est. Verum si scal-
pellum adhibeatur ad sanam corporis partem, si viri boni, utiles civēs
patriae & Republicae exterminentur: non medicina sed carnificina est.
Quamobrem concilium non convocatur? Cur publica disputatio non
instituitur? Quamobrem ista facula ad vim excitandam adhiben-
tur? Non est magnum negotium homini erudito, vincere eum qui
literarum cognitione non est excultus: praesertim si eo quoque acce-
dat bonitas cause. Qui ad gladium, ad ignem, ad aquam, ad caedes,
atq; vim decurrit, fateatur se facilius hominem ingulare, quam eru-
dire posse: animum carnificis, & barbari atq; crudelis praeconis,
quam Theologi mentem eruditam habere, inventutem numerosam
habent suis in scholis: quibus artibus eam colligant, & retineant:
metuo ne sero admodum animadvertamus: & tum demum velimus
huic malo remedium adhibere, cum iam non poterimus: si ad matu-
ritatem pervenerit illa improbitas, cuius iam magna apparent &
exstant vestigia. Putatis ne Senatores Ampliss. disciplina monacho-

rum inventam nobiliū rectē ad res bene gerendas erudiri posse?
 Vinam tandem aliquando perspicere possitis: Poloniam de statu
 optimo ad eas calamitates devolutam esse, moribus Gallicis, Italicis,
 Hispanicis in patriam nostram receptis. Si maiorum nostrorum tem-
 pora, quibus illa regiones non fuerunt cognita, cum hoc nostro seculo
 conferamus: quae summum dolorem atq; metum nobis adferant,
 plurima occurrunt: quae spe aliqua meliorum animum erigant, ad-
 modum pauca et exigua, vel potius nulla solatia veniant in mentem.
 Quid igitur agimus Senatores? Volumusne Scholas evertere? Ego
 verò hanc amentiam à vobis longissimè abesse cupio. Placet enim &
 utile est revocare veterem disciplinam, & patrium morem: praemia
 Magistris & Praceptoribus proponi: eos gratitudinis & utilitatis
 spe, ad scholasticum laborem suscipiendum excitari. Novam istam,
 nostris maioribus incognitam, nobis ac iuventuti nostrae inutilem,
 patriae perniciosam, docendi rationem: retineri non placet. Sed Tesu-
 itarum operà, studio, & diligentia effectum est: ut Africa, A-
 sia, America, Persia, Romana Ecclesia instituta & placita amplecti-
 tur. Quinam sunt illi viri? quae est ista pietas? quae prudentia? quae
 vitae sanctimonia? ut tantum bonum orbi Christiano importaverit.
 Aspicite istos patres nostros Iesuitas: ut rectè de illis apostolis fra-
 tribus eorum possitis iudicare. Non enim, Senatores Amplissimi, si-
 mia simian tam bene refert: neq; ovum ovo, nec lac lacti tam simile
 est: quàm Monachus Iesuita, Iesuita Monacho. Quid igitur isti ha-
 bent? vel in pietate, vel in moribus, vel in eruditione, quo nostris an-
 tecellant? Si enim vultum istum ad decipiendos homines accommo-
 datum: si os in illis latebris Iesuiticis compositum: si oculos & totius
 corporis habitum: atq; ipsam orationem ad simulandum & dissi-
 mulandum conformatam mutes atq; adimas: nihil habebunt quod
 praeter ceteris monachis possint venditare: quibus se illi usque ad deo an-
 teferunt, ut quilibet Iesuita cum Iesu se in caelo esse existimet: pro-
 pterea quòd sanctimoniam quandam possit simulare, & eam,

qua intus inclusa est impietatem bene disimulet. Tam ut totius corporis motum atq; vestitum, ad colligendam hominum gratiam: mira quadam cura, & sollicitudine moderantur: ita quog; in templis, non veterem illam a maioribus receptam & approbatam simplicem, & non multum exquisitam in Dei cultu atq; sanctorum consuetudinem retinent: sed superbas, stultas, atq; impudicas mulieres imitantur: quæ splendidius vestiri volunt quam honesta matrone: quod fit ut etiam oculos spectatorum in se conuertant, & eorum cupiditatem inflamment. Quis autem est ab omni ratione ita alienus; qui non persficiat illis illecebris, istis ornamentis, isto subtili sanè & suavi vocum & tibiaram concentu, barbaram gentem, incultos atq; horridos homines posse excitari? & ab illis sordibus & squalore, ad istum splendorem & cultum, omnes humanas sensus conuertere? Hoc cerè est homini à natura tributum: ut omnia iucunda sequatur. istam legem non audiuimus, legimus, didicimus: sed ex natura ipsa arripimus, hausimus, expressimus (quemadmodum inquit summus ille orator) ut rem iucundam, aliquo sensu perceptam, homines eò magis amplectantur: quò magis etiam sensibus & cupiditatibus obediant. Currunt igitur muliercula & iuvenes in ades Iesuiticas, sanctæ Barbaræ: sed graves viri & prudentes retinent veterem cultum Mariæ, qui scilicet novitatis dulcedine non moventur. Gratulor ego viri amplissimi, Asia, Africa, America, Persia istam mentem: cum velint Catholica Ecclesie nomen suum dare, sed ut verum sit, quod Iesuita referunt, falsa enim multa ab illis iactari iam nonnulli affirmant, & res ipsa loquitur: sed quemadmodum dico, ut verum sit, ne tamen Iesuita seruitutis iugum nobis imponant, magna cautio adhibenda est. Iisdem enim artibus & hoc religionis nomine, illas provincias Hispano Regi potentissimo subiecerunt, à quo illi emissæ, ut exploratores eò consilia omnia retulerunt ut primum domestica dissidia excitarent, deinde Hispanicos exercitus, in regna convulsa: & dissidiis domesticis debilitata adducerent: quod cum assecuti sunt,

omnia:

7
omnia cadibus & sanguine ita replent: ut non solum consilii capier-
di, sed etiam ne respirandi quidem spacium relinquunt, illis, a qui-
bus amanter & humaniter fuerant excepti. Legimus in sacris li-
bris extitisse quosdam Gabaonitas, astutissimos exploratores: qui si-
mulata legatione, exoletos saccos, asinis imposuerunt, ut resq; vinari-
os obsoletos, laceros, & resartios: calceamenta vetera & la-
cerata pedibus induerunt: penulis vetustis se texerunt: omnig; in
commeatū pane mucido sumpto, ad Iosiam se in castra contulerunt:
eig; & Israelitis nunciaverunt, se velle cum eis fœdus percutere.
Iesuita Gabaonita sunt a Rege Hispania Catholicissimo legati, pallio
modestia contecti, calceis hypocriseos induiti, simulatione pauperta-
tis, modestia, pietatis, castitatis ornati: se à Iesu missos esse quasi ad
novam aliquam salutem adferendam hominibus affirmant. se vi-
gilijs, laboribus, studijs litterarum & pietatis, nocturnis atq; diur-
nis precationibus exhaustos esse ostendunt. Metuendum autem
nobis esse, ne quid Andria apporet mali, iam indicat miserabilis ca-
sus eorum hominum, qui sunt in Africa, in Asia, in Persia, in Ameri-
ca. Negillarum regionum terminis hoc malum inclusum est: lati-
us diducitur, & in dies longius progreditur istud incendium, nam
etiam in Germania inferiore, excitati iam sunt, ab istis Gabaonitis
tanti motus: quibus multa iam urbes & provincie florentissima:
quasi uno impetu posstrata iacent. Non possum sine lachrymis An-
werpiæ urbis potentissima, & amplissima lætuosam & funestam
direptionem commemorare: nullumq; esse existimo hominem tam
durum, quem non moveat tot hominum mors acerbissima & crude-
lissima: bonorum direptio, ac venditio. Nolo autem vos ad sum-
mi istius doloris societatem pertrahere. Eodem motu ab istis Iesu-
iticis Gabaonitis excitato, impulsæ est Anglia atq; Scotia, quæ regna,
cum antea externorum hostium impetum depulerint: nunc domes-
ticis disidijs debilitata, & ad interitum iam inclinata sunt: id
verò totum acceptum referendum est istis sanctissimis patribus
Gabaonitis Iesuiticis. Hos fructus, ista commoda illi depromunt ex
illis

illis suis saculis obsoletis. Vna Regina Anglia veneno & insidijs saepe appetita est. Scotia Regina crudelissimo & indignissimo mortis genere sublata est, nullum locum nominare possum Senatores Amplissimi, in quo isti Gabaonita pedem posuerint: ut etiam non in eodem tristissima & luctuosissima exempla crudelitatis reliquerint. Et accidit iam aliquoties Deo ita permittente, ut iisdem ruinis quarum auctores extiterint ipsi fuerint oppressi. nam in Anglia, multi isti patres Gabaonitici, ita ut æquum fuit, supplicio affecti sunt: quos nostrum Gabaonita in numerum Martyrum referunt. O præclaros martyres, qui tantorum scelerum convicti fuerunt. Multa præterea Senatores Amplissimi, quæ in Helvetia, quæ in Germania superiore, ab istis patribus sunt excitata. Currit enim magnis progressibus, ista Iesuitarum pestis: & omnes urbes, omnes provincias, omnia regna obvia everit & dissipat. Ad ea mala quæ iam nos tangunt, properat animus. Non ignoratis, quas turbas attulerit nobis in Livonia ista Gabaonitica & Iesuitica modestia: iam potentissima urbs Riga, ad portum posita ardebat eo incendio: quod fuit excitata ab istis Gabaonitici. Abreptus fuit iisdem procellis & fluctibus, Stephanus Rex fortissimus: qui nisi ad animi sui magnitudinem, consilium & moderationem adhibuisset: iam omnino & cum Riga & cum Rege Suecia: aut cerè Rege Dania bellum nobis fuisset susceptum. Urbem profectò & totam provinciam multis laboribus, magnis sumptibus, magno nostrorum hominum interitu, ad Regni nostri imperium iam diu aggregatam: multo maiore cæde, aut maioribus impensis atq; sudoribus: nunc restitueremus. Tota Lithuania & Vilna urbs primaria nonne eodem spiritu Iesuitico & Gabaonitico est agitata? Nonne civium atque multorum nobilium fuit concursus ad prælium committendum? unde illa procella perturbationis profecta sunt, nisi à Iesuitis nostris istis Gabaonitis? Potest sine dubitare viri amplissimi, totam Lithuaniam ad interitum ab istis Gabaonitis ita impulsam fuisse: ut iam nunc tantummodo ruinas il-

huius provincie aspicere potuissemus: nisi ad hac mala restringenda
 Rex sapientissimus auctoritatem suam contulisset. Coactus est ille
 fortissimus Imperator obsidionem, & expugnationem urbis Pleasco-
 viana intermittere: ut istis tumultibus à Iesuitis excitatis occurre-
 ret. O miseram patriam nostram, ò deplorandam conditionem:
 qui istam pestem, & hac monstra in visceribus nostris alimus: &
 quicquid increpauerit Iesuitas iam metuere cogimur: quos vitium &
 cibis alienus ita feroces reddit: ut etiam auctoritas & sapientia
 potentissimi Regis eos coercere non potuerit. Vidistis Senatores ama-
 plissimi Cracoviam urbem celeberrimam, domicilium atq; ornamen-
 tum totius regni, sedem Maiestatis Regie, omnium ordinum Eccle-
 siasticorum, & secularium, ut vocant, receptaculum: precipuum rea-
 gni presidium, mercatorum & reliqua plebis emporium, matrem ar-
 tum atq; disciplinarum, ita vexatam esse ab istis Gabaonitis: ut
 plurimi viri boni, utiles civis patrie nostra, homines catholici af-
 firment, se malles in sylvis, inter feras vitam degere: quam in ista im-
 manitate versari. Conspiratione enim facta: cuius Iesuita au-
 thores atq; duces extiterunt: magna vi atq; impetu in eam domum
 irruunt: qua una in tota urbe monumentum antiquitatis extat,
 Lutheranis concessa: Rege atque omnibus Senatoribus approban-
 tibus. Apparebant effusa aliquot diebus flamma, qua per
 multas urbis partes sparsa, toti urbi minabantur interitum. Au-
 diebantur voces sceleratorum hominum, prædas efferentium: in-
 ter quos, ut quidam affirmant, etiam versabantur isti patres: non
 religioso isto habitu induti, sed attritis rusticorum vestibus
 cooperti. commodum illis fuit & incundum etiam, ut opi-
 nor, istam adorandam personam Iesuiticam ad aliquod tempus
 deponere. Tota urbs in summo periculo versabatur. Ne-
 que ego sum adeò amens, ut negem: istam vim ad alios
 quoque magistros, & professores, & totam Scholasticorum tur-
 bam pertinere: qua de re iam primarij Lutherani ad Se-
 natores retulerunt. Verùm si rem bene consideretis: &
 istum

istum Cabaoniticum & Iesuiticum spiritum cognoveritis: intelligi-
tis ab hoc Iesuitico numine, hæc fulmina profecta esse. quis enim est
adeo rerum ignarus: ut nesciat talia perturbationis consilia plena
sceleris, ab his Hispanicis Iesuitis agitari: & nulla unquam ante ad-
ventum Iesuitarum talia pericula civibus nostris accidisse? Quid
multis opus est? Sunt qui affirmant, totum hoc quicquid est mali, Ie-
suis tribuendum esse: quibus hoc propositum est, ut Evangelici cum
Rectore atq; professoribus, & tota universitate Academica signis col-
latis congregiantur: & Iesuita habeant suavissimum spectaculum:
atq; in locū illius partis quæ fuerit fusa atq; deleta succedant: & am-
plissima stolia, suorū consiliorū premia, auferant. Hic fortassis dicat
aliquis Iesuita. Tu Lutherana causa patrocinium suscipis. Ego verò
patres sancti Iesuita non meam nunc de Lutherana religione senten-
tiam explico, sed quid metuendum sit à vobis Reipub. nostræ ostendo:
& superius testatus sum me Catholicum esse. neq; verò is Romanam
Ecclesiam oppugnat, neq; hæreticos defendit, qui liberè, ad Reipublicæ
utilitates conservandas ea quæ sentiit, dicit. Quamobrem iam repeto,
id quod sæpius affirmavi: & magna voce proclamo. Tametsi Iesuita
professione Catholici sint, pestem tamen Reipublicæ nostræ ab illis
metuendam esse. Erant quoq; maiores nostri Catholici, & tamen ar-
ma contra illos Iesuitas Cruciferos sumpserant: & eos omni ratione
persequendos esse existimabant: summo Pontifice repugnante, & e-
ius legatis resistētibz. Archiepiscopi nostri & Episcopi capitali
odio ab illis dissidebant, & vi atq; armis opprimendos esse statue-
bant. Vos ego appello Reverendissimi Domini Episcopi: non igno-
ro qua observantia ac pietate summum Pontificem colatis: hortor
tamen vos: ut tranquillitatem patriæ nostræ, vobis commendatam
esse velitis. Exiguum enim admodum est discrimen inter Crucife-
ros & Iesuitas, inter crucem & Iesum: si intra huius disputationis
nostræ limites oratio contineatur. Crux & Iesus eandem propemo-
dum vim habent pietatis, modestiæ, religionis: Cruciferi crucis ima-
gine erant insigniti: Iesuita Iesu salvatoris nomine sunt ornati.

Quid

9
Quid modestius : quid magis pium & religiosam illa cruciferis illo seculo extitit ?
qui verecundi admodum, humani, humiles, abiecti, patres Cruciferi apparebant.
Isti quoque Iesuita, omni virtutum genere sunt larvatis domi enim, tanta sollicitu-
dine & diligentia gestus suos conformant, ut nihil diversum in illis appareat huic
persona, quam sustinent : etiam capita eleganter & moderate in unam par-
tem inclinata habent : ut videantur Iesu similes esse qui pendeat in cruce. Cru-
ces etiam pictas & sculptas habent, etiam in valvis suorum collegiorum cruces
pingunt. In ista tam pulchra herba latet antiquus ille serpens, inimicus & ac-
cusator fratrum Diabolus, author dissidiorum, perturbatiouum, bellorum intesti-
norum, cadis & rapinarum. Dicite mihi sancti Patres, pro vestra pietate,
candore, modestia, humanitate : quam obrem vos apud istam hominum multitudi-
nem : cuius benevolentiam ita vobis collegistis : ut etiam multae muliercula, immo
verò praeclarae mulieres : ornamenta aurea atque argentea, quae à maritis suis amo-
ris causa dantur : vobis libenter, furto propemodum ablata, tradant & libentius
iam peccatorum suorum causa ad vos accedant, propter vestram istam humanita-
tem : dicite, quam obrem Hispanicam monarchiam in caelum laudibus effertis : eam
commendatis, & exemplum illius monarchiae tanquam ad imitandum proponitis.
Non ignoratis, ut opinor, in Hispania cives non malos propter levissimam reli-
gionis suspicionem tactari contumeliosè, onerari calumniis, notari ignominia, exsi-
lio puniri, morte denique acerbissima mulcari. Exstant, viri clarissimi, istorum pa-
trum haec praeclara facinora, in tabulis depicta : fortassis propterea : ut illud ex-
emplum Hispanicum vos imitari velitis. Sed non admodum commode oculos no-
stros illa imagine erudiunt, neque satis copiosè quid ipsi faciunt, ostendunt. Non
enim hic est malorum exitus, quem ostendunt illae imagines : non his terminis isto-
rum sanctorum patrum religio continetur. Nam ad turbandos sepulcorum ma-
nes progreditur illorum modestia, & charitas : effodiuntur ossa, divitiuntur cine-
res, & quem terminum, ut vita ita miseriarum natura constituit : ultra hunc ter-
minum grassatur ista Iesuitica mansuetudo, & charitas. O miseram atque lamen-tabilem
illorum hominum conditionem. O regem crudelem. O regnum citò per-
riturum. Cogitate etiam atque etiam, Senatores Amplissimi : num tanto furori
locus in patria nostra concedi debeat : ut fratribus nostris, propter diversas in reli-
gione sententias : hoc modo, hac crudelitate & immanitate, lucu huius usura erip-
piatur : & alii quamvis sint Catholici : tamen propter opes : vel uxoris vel filia-
rum formam, in numeram haereticorum referantur, quia istorum sanctorum pa-
trum cupiditatem, maritorum vel parentum vita impedit. Dicite igitur ali-
quando patres sancti, si idem in Polonia facere possitis : quid sitis facturi ? Etiam
illud dicite, si Hispanorum rex patronus & propemodum Deus ordinis vestri : huc

in Poloniam, vel mari, vel terra exercitus suos cupiat adducere: quid inquam, si-
tis facturi patres sancti Iesuite? Video enim vos tantis sumptibus tam firma pa-
latia, praesidia, & propugnacula erigere, quae vos monasteria appellatis: quae si-
verè, ut sunt, nominari debeant: domicilia scelerum omnium, atq; flagitiorum
receptacula, appellari possunt. Video Posnanae arcem munitissimam, summis
praesidiis à vobis adificatam esse: & cum intra urbis moenia contineatur: aditum
ad urbem patefacere posset omnibus, cum quibus communis est vobis cupiditas.
Regis palatium Posnaniense, nulla parte, cum isto vestro propugnaculo est confee-
rendum. Iesus locum in quo caput reponeret non habuit: in campis, in mon-
tibus versari potius quam in urbe maluit. Iesuita in commodissimo urbano
loco: ad milites vel depellendos, vel excipiendos: si velint urbem oppugnare, ca-
stra sua adificant. Video Iaroslaviae, etiam Lublini, atq; in aliis civitati-
bus: eiusdem munitionis, firmamenti, tantorum praesidorum extractas arcas: us-
que non scholasticos docere, aut muliercularum peccata cognoscere: sed bellum gerere
velle videantur. Respondete igitur patres sancti atque modesti, num etiam
illos Hispanicos exercitus, in ista palatia vestra sitis admissuri? illius nimi-
rum Hispanicorum Regis, cui vos divinos cultus tribuitis: praesertim si eo acce-
dat Papa auctoritas: si quoque eodem vires suas conferat, tota illa in flagitiis
& sceleribus exercitata invenit: illi scilicet vestri greges aleatorum: in qui-
bus etiam adulteri, impuri, atq; omnes impudici versantur. Qui cum sint absq;
re, absq; sede, sine spe, sine fortuna: per urbes pexo capillo, mitri, imberbes, aut
etiam barbati, volitant: qui totam industriam suam in nocturnis insidiis expo-
nunt. Expecto quid sitis responsuri. Moneo tamen vos patres sancti: ut existi-
metis istos homines non adeo stupidos esse: ut non intelligant, quo referantur o-
mnia vestra consilia: quae iam ita in lucem producta sunt, ut omnibus appare-
ant. Cogitate etiam atq; etiam Senatores amplissimi, ne cum inter abiectissio-
mos homines, Iesuitarum fraudes sint detectae: vobis tantum consilium & pru-
dentia defuisse videatur: ut non animadvertere possitis, quam horrendum exitu-
rum nobis immineat. Quod etiam eo turpius est, si obliviscamini quibus flucti-
bus iactata, & quae naufragia fecerit Respublica nostra: eo tempore, cum vi &
armis Cruciferorum improbitas, multis annis non potuit reprimi: tanta contem-
tione, tanta sanguinis profusione, multum annorum centurium bellum gerebatur: ut
ad illius temporis memoriam, animus exhorrescat. fuerunt enim omnes campi, ma-
iorum vestrorum sanguine cooperti. Quis fuit illo seculo, tanto ingenio, tanto acu-
mine, tanta prudentia praeditus: ut perspicere potuerit, talem exitum, & tam tri-
stem, & luctuosum ac toti orbi Christiano periculosum: atq; multis Europa par-
tibus.

10
10

ribus perniciosum esse expectandum; atq; metuendum ab illis Cruciferis? qui in loco sancto, in urbe Hierosolyma, apud sepulchrum Domini vivebant? scilicet studio commemorande mortis Christi, erant illi loco ita affixi: ut totum vitae suae curriculum, in eo consumere statuerent: & talem ordinem omnium actionum suarum amplecterentur: ut nemo dubitaret, illis hominibus nihil propositum fuisse: praeter ipsam pietatem. Habebant monasteria, certis fratrum atque sororum familiis, ut illi vocabant, distincta: eâ disciplinâ, eiusmodi moribus informata, ut nihil reperirent homines, quod in illis reprehenderent: quae autem laudarent & quae admiratione digna iudicarent, ea plurima vel potius omnia extabant: quod fiebat, ut Principes certatim in eos beneficia conferrent. sed quod tanta pietatis & religionis simulatio recidit, serò admodum maiores vestri intellexerunt: & magno suo malo experti sunt, quid momenti habeat, ad decipiendos homines simulata pietas. Vos autem, vos Senatores, qui in locum Principum Mazoviae successistis: citò, & nimium citò memoriam illorum fluctuum deposuistis: quibus provincia haec fuit iactata, excitata illa Cruciferorum tempestate: & bis ad eandem scopulam delati estis, quasi consulto & meditate naufragium facere velistis. Conferte enim Senatores Amplissimi Iesuitas cum Cruciferis; Vos, inquam, qui primum in vestrum patrocinium Iesuitas recepistis. Recordamini Cruciferorum, quam ex remotis regionibus ad vos opprimendos praesidia habuerint, & simul ad istos vestros patres, istos inquam vestros Gabaonitas, sculos convertite. Cogitate etiam atq; etiam ut ab omnibus rebus inopes, & egeni fuerint: cum primum hic venissent isti nostri Gabaonita. Iam verò quantas opes possideant, quibus artibus collectas, videtis. Si verò rem totam bene, quemadmodum debetis, examinare vultis: cogitate etiam atq; etiam ut non admodum longo intervallo à nobis Hispanorum Rex sit remotus, à Dantisco sex dierum itinere abest Antverpia: quae urbs domicilium, & sedes potentiae Hispanicae esse dicitur. Quid agimus? Senatores Amplissimi, quid agimus? Non nos commouent neq; commouent aliorum regnorum tristissima exempla, quod tantò est magis admirandum: quia ad vestram prudentiam & rerum usum, accessit etiam eruditio. Cur non evoluitis aliorum regnorum historias? Cato ille, cui omnium consensu locus inter sapientes primus conceditur: cum vellet Romanis ea pericula ante oculos ponere, quae illis imminabant à Carthaginensibus: ficus recentes, quae mari à veteribus adferebantur: in Senatum adferebat cum hac oratione. Quam prope iam nostri inimici, ad patriam nostram sui imperii terminos porrexerint, videtis Patres conscripti: istarum enim ficuum succus ita integer in itinere retinetur: ut nulla videatur in illis facta esse mutatio: & quemadmodum istae uvae recentes sunt, dum adferuntur, ita quoque exercitus Carthaginensium, firmus

& robusti, parati & crecti, non itineris molestia defessi: possunt advolare. Re-
citavi Catonis verba: quibus animos suorum excitare voluit: valde accommoda-
ta, ut opinor, nostro huic tempori. Quid enim est Senatores Amplissimi: quo-
minus idem de nobis, aliquis Cato dicere possit. Adferuntur ad nos poma Hispani-
ca, illa suavissima & pulcherrima: maioribus nostris incognita: in quibus colo-
rem, odorem, saporem, succum si consideres: nunc primum de arboribus decerpta
esse videntur. Non ignoramus quantum detrimentum morum & virtutis impor-
tent in patriam nostram: ista delicia Hispanica & Italica. Sunt multi viri pri-
marii, qui intelligunt, magis ac magis hostibus nostris, in regnum nostrum aditum
patefieri: & tamen non cogitamus, quibus artibus aliorum regna eversa sint:
isdem Rempub nostram iam adeo debilitatam esse, ut ruere incipiat. Et in his
tantis motibus & ruinis, vos Senatores Amplissimi, quibus cura Reipub. tra-
dita est: vos, inquam in utramq; aurem dormitis. Aspicitis exploratores istos
Gabaonitas: istos inquam Iesuitas exploratores Hispanicos, qui antea fuerant
pallidi & squallidi pannis & pulvere obsiti: nunc vero sunt nitidi & splendidi, po-
tentes & gratiosi. Hos non videtis in regno nostro ita versari: ut pro suo arbi-
trio velint Regem eligere: & illius auctoritatem totam & maiestatem, ad libidi-
nem suam convertere? Non videtis quid moliantur? Properabat alter in Sueciam
plenis velis: eoque omnium opinione celerius pervenit. Alter sexaginta milliaria
tribus diebus Viennam Cæsibus peruolavit. O celeritatem incredibilem. O nuntium
volucrum. Quæ causa est tanta celeritatis? Vobisne patres sancti Regni admi-
nistrandi cura ita commissa est: ut si paululum remiseritis: periturum esse existi-
metis? qua spe aut re adductus & incitatus est, unus vester monachus primarius:
vestrorum consiliorum moderator, & defensor: ut munus illud pacis constituende inter
Stephanum Regem & Magnum Ducem Moschouia susciperet? Quamobrem istam
pacificacionem sibi non traditam sumpsit? Tantumne vobis auctoritatis patres
sancti tribuitis? & tantum prudentia in vobis esse existimatis: ut creditum omnes
conditiones pacis vos animadvertere & constituere posse, commodas patriæ nostræ:
quamvis nesciatis quibus de causis, quam magnis atq; arduis tam longum, tam
grave, & periculosum bellum gereretur? Multorum vocibus celebratum & diu
usurpatum est proverbium: Quicquid agit mundus monachus vult esse secundus,
quod tam pulchre vobis Iesuita, & vestro huic principi convenit: quam etiam
vobis conveniret Bernhardinorum ille horridus habitus: a quo vos ita abhorretis, ut
etiam mentio illius sit vobis valde molesta. fortassis propterea: ne eam quam ha-
betis gratiam amittatis: si hunc nitorem, & hanc elegantiam: quæ vobis multo-
rum hominum amorem colligit, cuculo contegatis, atque ita obscuram reddatis.
Sed quæ est ista temeritas: inter tantos principes & Monarchas auctoritatem
suam

11
suam ita interponere: tanquam si antea nihil sapientia in omnibus Senatoribus
fuisset. Iam verò quàm fuerit studiosus pacis & gentis nostrae, is vester Pater: li-
bellus quem postea edidit abundè indicat: plenus contumeliarum & maledi-
ctorum. Hunc si exterarum nationum homines legerint, quibus nondum
mores nostri sunt cogniti: existimabunt, in Polonia nullam esse pietatem, nul-
lam rationem, nullam virtutem, nullum ordinem, etiam reliqui Iesuitae
Monachi huius ducis exemplum sequuntur. Emittunt subinde, non solum
illos suos iuvenes ad omnia sua facinora exercitatos: verumetiam & libel-
los: quibus calamitosam famam, tanquam flammam & incendium, in nostra
Reipublica cives viros bonos, volunt excitare. Hæc quamvis ita sint: tamen illi
vivunt delicatè & suaviter, non solum nullas penas suorum facinorum non me-
tuunt: sed magnos etiam honores sibi deferri debere existimant. Magnificè appel-
lari cupiunt: atq; ad tanti nominis & dignitatis fidem confirmandam, omnibus
artibus multa prædia colligunt: vel potius ab iis hominibus, qui fallacem speciem præ-
cio emere non dubitant, oppida & prædia exsugunt. Atq; hoc pacto nobilitatem,
que est ornamentum in pace, præsidium & robur in bello: qua sanguinem suum
pro patriæ salute effundit, in maiores angustias redigunt. Sunt multi equites viri
fortissimi & constantissimi, singulari animi atq; consilii magnitudine præditi:
quorum maiores in bello fortissimè occubuerunt: patrimonium suum pro patriæ salute
effuderunt: ipsi quoq; magnam vitæ suæ partem in aula Regum collocarunt: hi
aliquot famulos quotidiani ministerii vix alere possunt. Isti verò patres Gabaonia-
tae, hoc affectu sunt: pietate simulata, illo vultu & habitu ad decipiendos homi-
nes comparato: ut multos non tantum modo Equites, sed etiam regni Senatores
iam opibus superent: eosq; non tantum continere, verum iam ad eadem quos-
dam: & animo, & oculis suis, & libellis designare incipiant. O tempore, ô
mores, ô magnam iniquitatem hominum. Legibus cautum est: ne homo peregrin-
nus, ad aliquam dignitatem cum opibus Regni coniunctam: ne etiam homo ple-
beius: aspirare velit. Vt legis istius auctoritas contempta iaceat, quid multis opus
est demonstrare? istud enim multorum vocibus, immo verò multorum gravi &
acerbi oratione reprehensum est: istud in omnibus comitiis Regni, omnium prope
Senatorum clamoribus notatum est: & tamen non animadvertimus, Iesuitas ho-
mines obscuros, peregrinos, & plebeios, tanta bona regni invadere? immo verò
iam, non pauci reperiantur nobiles regni nostri qui se cum illis coniungunt &
sua nomina in illum ordinem monachorum referunt. ad perpetuam familiae suæ
ignominiam, malant inter monachos, quàm inter nobiles patritios vivere. O cæ-
ca hominum mentes, ô pectora cæca. Non videmus Senatores? Italos atq; His-
spanos esse, quos ibi iam generales patres appellant: verè autem duces seditionum,

Conspirationum in patria nostra nominari possunt. Isti duces iam templa Cræ-
coviæ occupaverunt, Sacerdotes qui in illis templis sacris præerant, nostros præcepto-
res: homines ætate & morbo confectos: sedibus suis eiiciunt atq; exturbant. A-
pud Polockam, villas Parochorum eripiunt: vel potius iam iuris quadam simula-
tione eripuerunt. In multis regionibus Ruteniæ omnes illas partes opimas, & fer-
ciles: ubertate agrorum, varietate fructuum, magnitudine pastionis, & multitu-
dine omnium rerum quæ exportantur, præstantissimas invadunt: suorum agro-
rum terminos, in singulos menses extendunt: nobiles & reliquos homines utiles
Reipub. exterminant: patriis sedibus nudos prorsus eiiciunt: multas viduas præ-
claras feminas eò deducunt, ut cogantur suis filiis bona erepta, illorum finibus
adiungere: liberos suos spem parentum, memoriam nominis, subsidium generis, ha-
redes familia designatos Reipublica cives: patrimonio privare. O miseram illo-
rum filiorum conditionem. In omnibus convivis disputatur quotidie, in comitiis,
ex omni hominum nobilium concursu, vim dulcissimam patriæ nostræ fieri. Testan-
tur multi prudentes, & patriæ amantes viri: violari patriam, si illius bona in eos
homines conferantur, quorum nulla in Reipublicam merita essent: qui tempore
pacis & belli, in Reipublica salute defendenda, & dignitate amplificanda: ope-
ram suam non collocant: qui non vitam suam pro salute patriæ effundunt. Quid
verò Jesuita habent, quod utile sit patriæ nostræ? immo verò quid habent, quod
non sit perniciosum nobis omnibus? Quid habent præter admirabilem pecunia ma-
gnitudinem: Hispanicis artibus, hoc est fraudibus collectam? quam pecuniam Se-
natores, ut videtis, ad agros amplificandos, ad palatia sua exstruenda conferunt:
reliquam ad nos oppugnandos & iugulandos conservant. Habent vbiq; animi
relaxandi gratia: rura amœna, & suburbana: plura etiam prædia, neq; tamen
ullum nisi præclarum & propinquum: domos referas vasis Turcicis & Italicis.
Quid præterea auri, quid argenti, apud illos esse putatis? tantum scilicet, quan-
tum è multis familiis coacervari religionis simulatione potuit. Familiam verò
quantam & quam variis cum artificio habeant: quid ego dicam? ut enim omit-
tam coquos, pistores, & alias artes vulgares, videtis ut quotidiano cantu vocum,
& nervorum & tibiarum: tota vicinitas personet, illius urbis quam semel occupa-
verunt, etiam ut omnes sacerdotes despiciant: ut neminem hominem præ se esse
putent: ut se solos sanctos, solos doctos existiment. Quid futurum esse putatis Se-
natores: si quis apertius hac reprehendere velit? si quo spectent isti tanti quotidia-
ni sumptus & effusiones, multis rationibus demonstret? si quis etiam postulet, ut ea
bona quæ turpiter his lenociniis suis occupaverunt honestè dimittant? & istam
colligendarum opum rationem, quam humana aq; utate defendere non possunt, di-
vina religione tueri desinant? quos tumultus quas perturbationes futurus esse
existi.

12
12
existimatis? quem putatis ab hereseo crimine liberum fore? nullam certe nisi hunc
qui ad illorum nutum & voluntatem sit accommodatus futurus. Stephanus
Rex adiuravit se omni ratione pacem esse conservaturum: inter eos, quorum in
religione sunt discrepantes sententiae. Quamobrem igitur, homines novi, &
peregrini in regnum nostrum sunt recepti? qui dum serant semina discordiarum,
belloꝝ civilium, inter nos & contra nos: ita vivunt, ut cuticulam suam cu-
rent: pecuniam colligant: qui quid est pretiosi in alicuius Equitis domo, illud
ad se pertrahant: in fraude & ex fraude vivant? Cur non retineretur auctoritas
concilii illius amplissimi, & sacratissimi Lateranensis: quod vetuit, ne in po-
sterum nova aliqua monachorum familia à quoquam institueretur? Intellexe-
runt homines illi sapientissimi: quod quanta fiat accessio ad monachorum famili-
as: tantum etiam detrahatur facultatibus nobilium, mercatorum, agricolarum,
viduarum, & reliquorum ordinum. Voluerunt igitur illi viri sancti, orbi Chri-
stiano consulere: ne crescente numero monachorum, tanquam fundi calanitate:
opprimantur boni & prudentes cives patrie, & viduae. Metuebant ne id res de-
cideret: quod iam fieri videmus: ut crescente mala haec Iesuitarum tanquam vi-
perarum proge: augeantur etiam illa mala, quae metuenda sunt ab his homi-
nibus: qui, in ocio & cibo alieno, non possunt nisi ad perniciem patrie vivere. Vi-
detis enim Senatores quid effecerint Cruciferi: videtis etiam quid faciant Iesui-
tae. Sed quorsum haec omnia spectat oratio? Senatores amplissimi: quid enim factu-
rus sit summus Pontifex, nondum scimus: quem etiam hoc consilium cepisse ex
multis intelleximus: ut istos Iesuitas ex hoc splendore, in aridioris & horridioris
vita circulum reducat: ut omnibus sit perspicuum, illos esse monachos. Hoc for-
tassis beatissimi patris consilium, ad Ecclesiae tranquillitatem habet aliquid no-
menti: sed metuo, ne parum admodum aut omnino nihil ad has perturbationes
mitigandas: quae sunt à Iesuitis excitatae, conferat: & ad ista quoque incommoda
atque detrimenta quae Reipublice allata sunt, compensanda. Illi enim, ut est mona-
chorum ingenium, pilum non animum mutabunt. Quamobrem oportet nos semper
esse excitatos, erectos, & propemodum animis iam armatos: ne blanda aut sup-
plici oratione, aut etiam pietatis simulatione fallamur. Satis enim iam, satis op-
pressi sumus: multorum nobilium domus sunt eversa, fortuna vexata, dispersa
agricole, raprata coniuges: multi nobiles, incredibili pietate & amore in patriam,
magna in angustiis versantur, & propemodum ad pedes istorum Iesuitarum abieci
sunt: multi subditi nobilium in Lituania atque in Mazovia, pertulerunt crudelitatem
istorum Iesuitarum: pulsati sunt sedibus patriis focis, distracti à suis. Videre licet mul-
tos oculis lachrymantibus, squalidos, saepe etiam sordidatos & reos. Videtis quotidie
magnam accessionem ad numerum istorum Iesuitarum fieri. Videtis multos ex
Hispania atque Italia advolare.

Anima ad.

*Animadvertitis, ut opinor, aliis sacerdotibus iniquissimam vim fieri: viros
 senes sacerdotes nostros, ab istis Iesuitis miserè iactatos & repudiatos, perterritos
 & sedibus suis exturbatos esse. Hi quem præter vos appellant, habent neminem.
 Vobis suas fortunas commendant. Vobis existimationem committunt ac spem
 vitæ reliquæ. Miserum est exturbari fortunis omnibus, miserius cum iniuria.
 Constituite etiam vobis ante oculos: reliquorum hominum nobilium & agricola-
 rum miseram senectutem, qui ita bonis suis spoliati sunt: ut cum videant Iesuitas
 in suis bonis paternis dominari: ipsi filios atq; filias suas iuvare non possint. Hi
 vos orant atq; obsecrant iudices: ut ad illorum dolorem sublevandum vel recorda-
 tione parentum vestrorum, & liberorum iucunditate commoveamini: & pietati
 atq; indulgentiæ vestræ seruiatis. Omnes Ordines Regni vos orant atq; obse-
 crant, Senatores Amplissimi, ut patria salutem ante oculos vestros constituatis.
 Libertas enim agitur nostra, quæ est commendata vobis: vitæ & fortuna omni-
 um bonorum agitur: quo cupiditatem infinitam cum immani crudelitate inten-
 dunt isti Hispani atq; Itali Iesuitæ. Quorum potentiam cum immani cupi-
 ditate coniunctam, nisi represseritis: videte Senatores Amplissimi: ne hoc
 tempore, quo maximè Respub. sapientiam & auctoritatem ve-
 stram requirit: patris, & vobis, atq; vestris omni-
 bus, quibus omnia propemodum debetis,
 defuisse videamini.*

D I X I.



Varsavianam 1666. 26 Febr.

Audio dispersa R^{mo} Legatum h^odo verba: Habebant
scripta pro suo favore sententiam: Si h^odo ita sunt
requiro iudicium. Nam animum ducit sedem summam
ad favores inclinari. Christus est Veritas, Via, Lux
Vicarius igitur Christi est Vicarius Veritatis, Veri
atq; Lucis. Respectu ad personas quascunq; aut fa-
vorem habet fieri d^omissimus. Sciunt autem tibi non
dum iudicaturum de iudicio aut Rotae aut summi
Pontificis. Si quid diversum fiat, lapides etiam clama-
bunt. Unconam nobis ne sanctus quidem Paulus per-
fuserit, qui sanus ceteros omnes lapideas tam probe
quam septuagenarium aliquis lapideam, aut et plus. Re-
valabuntur aliquando intulerim nos Philosophum et
Iud considerabimus: Eni, Unum, Verum, Bonum converti.
Magno intervallo distant Unum et Verum. Verum est
Unum. Verum multa continet. Lupus d^o oves
appetit, Unconam appetit. Vult enim carnem ovis
in furore hoc est lupi carnem converti. Multo h^odo
Unum exemplar per occasionem tradit R^{mo} Legato.
Vale. Curonus 26 Febr. 1666.



SIN e CERE monois
Si quid habes lesu vita ne gram tibi partem
Qui socium fingit latro raper rapiat.

Gdy na Gomb
Ja eddit Bull
pa p p p p p p
wzgn / p p p p p
M. V. d. X. p p p p p
legi in dca
notu
fucum / an / la
m. d. i.

Biblioteka Jagiellońska



stdr00000560

Biblioteka Jagiellońska.

